

古蹟考五

考四之五

山西通志弟五十四

賜進士出身頭品頂戴兵部侍郎兼都察院右副都御史巡撫山西提督軍務臣張煦奉
旨修輯

城邑

兩漢隋唐五代

魏晉十六國宋遼金元

後魏

齊周

漢太原郡屬縣故城平陶在文水縣南京陵在平遙縣東

水經注文水又南逕平陶縣之故城東西逕其城內南流

出郭王莽更曰多穰也 又汾水西逕京陵縣故城北王

莽更名曰致城矣於春秋爲九原之地也國語趙文子與

叔向遊於九原其故京尙存漢興增陵於其下 元和志

太原府文水縣漢平陶縣城在縣西南二十五里屬太原

郡後魏改爲平遙後西胡內侵遷居京陵塞在今汾州界

寰宇記引此文無塞字

汾州平遙縣京陵故城在縣東七里漢京陵

縣晉九原地也禮記注云九原晉卿大夫之墓地也 曰

知錄禮記擅弓趙文子與叔譽觀于九原水經注以爲在

京陵縣漢志太原郡京陵師古曰卽九原因記文或作九

京而傳會之爾

原注文子曰是全要領以從先大夫於九京也方氏曰九京卽九原指其冢之高曰

京指其地古者卿大夫之葬也在國都之地不得遠涉數

百里而葬於今之平遙也志以爲太平之西南二十五里

有九原山近是

後人在繁峙縣東原平在崞縣南慮虜今五臺縣治也

說文泝水起雁門後人戍夫山段氏注今代州繁峙縣南

有後人故城地理志屬太原郡 郡國志雁門郡原平故

屬太原注古史考曰趙衰居原今原平縣 元和志五臺

縣本漢慮虜縣屬太原郡因慮虜水爲名也 太平記晉

永嘉三年雁門郡後人縣百餘家避亂入五臺山見山神
爲之先驅因而不反遂甯巖野方輿紀要五臺縣慮虜
城在縣治東北漢縣治此西晉末南單于鐵弗劉虎居於
新興慮虜之北謂此

舊通志原平故城在崞縣南四十里慮虜故城在五臺
縣南

謹案後人後漢廢晉復置泝水卽滹沱也出代郡鹵
城縣說文謂出雁門後人者蓋後漢縣省入鹵城改
屬雁門郡也一統志故城在繁峙縣南據元和志縣
南之城乃唐天授時所新置之繁峙非漢縣也縣志
云在今縣東三里聖水村又案趙衰爲原大夫原在
河南濟源縣杜預曰沁水西北有原城者古史考以

雁門之原平當之誤又案慮虜因水爲名今城三面
環水當是故治顧氏以爲在縣東北乃地形志之思
陽城也舊志謂在縣南又元魏徙置之城也

上艾在平定州

平定州志在州南三十里卽漢上艾縣治後魏爲石艾
縣廢址猶存今爲甯艾都新城村

河東郡屬縣故城大陽在平陸縣東河北在芮城縣北

漢志大陽吳山在西應劭曰在大河之陽河北詩魏國

方輿紀要大陽城在平陸縣東五十里應劭曰吳山在其

西是也漢置縣以在大河之陽而名

江氏永曰左傳下陽公穀作夏陽夏有大

義故改大陽漢初尚公穀之學也

興平二年帝至陝至大陽御牛車幸安

邑是也後魏屬河北郡後周改縣爲河北縣移於今治杜

佑曰大陽春秋時北虢所都似誤河北縣在芮城縣東北
七里故魏國城也漢置縣魏晉皆屬河東姚秦置河北郡
於此後魏因之後周改置河北郡於大陽此城遂廢漢志
卽古魏國是矣

左邑在聞喜縣東北桐鄉卽縣治也

漢志左邑莽曰兆亭聞喜故曲沃武帝元鼎六年行過而
名應劭曰今曲沃也

案今當作故
說詳國都

秦改爲左邑武帝於此

聞南越破改爲聞喜 元和志聞喜縣本漢左邑之桐鄉

也武帝元鼎六年將幸緱氏至此聞南越破大喜因立聞
喜縣屬河東郡桐鄉故城在縣西南八里俗以此城爲伊
尹放太甲於桐宮之所

臨汾在太平縣及絳州界

括地志臨汾故城在絳州正平縣東北二十五里卽古臨汾縣也 方輿紀要臨汾城在太平縣南二十五里亦曰汾城漢置臨汾縣屬河東郡

舊通志太平縣古晉城在縣南二十五里故址周九里十三步晉獻公都此左傳士蔿城絳以深其宮史記獻公八年城聚都之命曰絳 又絳州臨汾故城州東北二里左傳晉獻公九年士蔿城絳以深其宮杜預注絳晉所都也

謹案故城今之尉村距太平絳州各二十五里而地屬太平舊志云州東北二里者因隋初之絳郡卽治臨汾城而誤也自此地有晉城之稱方志遂指爲故絳亭林百詩最精地理亦據以立說實則唐以前無

以漢之臨汾縣爲絳都者

上黨郡屬縣沾故城在平定州之樂平鄉

太平記平定軍樂平縣縣城卽漢沾縣城也隋文帝更加修築方輿紀要沾縣城在樂平縣西南三十里漢沾縣治此晉志泰始中置樂平郡治沾縣建興四年石勒圍樂平太守韓據於沾城

謹案今樂平本後漢分置之縣故寰宇記以爲卽漢沾縣然水經注明云清漳出沾縣故城東北俗謂之沾山後漢分沾縣爲樂平郡治沾縣又引晉太康記曰樂平縣舊名沾縣漢之故縣矣今沾嶺在鄉城西三十里清漳水逕漢縣故城西城址猶存

涅氏亦曰涅以涅水爲名也在武鄉縣東穀遠沁水所出也

今沁源縣治

漢志上黨郡涅氏師古曰涅水出焉故以名縣也穀遠羊頭山世靡谷沁水所出郡國志上黨郡涅有閼與聚

太平記威勝軍

州今沁

武鄉縣涅城冀州圖云在縣西六十

里沁源縣漢穀遠縣地原屬上黨郡在今縣南一百五十步孤遠故城是也按晉地記穀遠今名孤遠因後人語訛耳

隋氏後爲寄氏又改冀氏故城在岳陽縣南

水經注沁水又南逕隋氏縣故城東劉聰以詹事魯繇爲冀州治此也沁水又南歷隋氏關太平記晉州冀氏縣

本漢隋氏縣地屬上黨郡漢縣在今縣北三十五里故城是也方輿紀要隋氏城在屯留縣西南七十里漢縣屬

上黨郡倚一作猗晉省後魏置寄氏縣仍屬上黨郡

舊通志冀氏故縣在岳陽縣東南一百三十里北魏於古猗氏縣城南置

謹案前漢志倚氏郡國志訛猗氏遂混於猗頓之舊居元魏旣置寄氏縣復立冀氏郡又傳爲冀缺之故里今其地皆屬岳陽一在縣南九十里爲漢縣亦卽北魏寄氏水經注所謂倚氏故城也一在縣南百三十里爲北魏及唐之冀氏縣水經注所謂倚氏關也雁門郡屬縣故城善無在右玉縣南前漢郡治也陰館在朔州東南後漢郡治也

漢志雁門郡善無莽曰陰館陰館樓煩鄉景帝後三年置莽曰富代水經注中陵水又西北流逕善無縣故城西

王莽之陰館也十三州志舊定襄郡治地理志雁門郡治
太平記陰館城一名下館城地理志屬雁門

謹案下館城朔平府志作下關云城周八里在馬邑
縣南三十五里善無故城府志所謂明妃古城者在
今右玉縣南五十里說詳府州廳縣考

馬邑今朔州治中陵今平魯縣治

水經注桑乾水右會馬邑川水其水東逕馬邑縣故城南
干寶搜神記曰昔秦人築城於武州塞內以備胡城將成
而崩者數矣有馬馳走一地周旋反覆因依以築城城乃
不崩遂名之爲馬邑漢以是邑封韓王信王莽更名之曰
章昭 又中陵川水出中陵縣西南山下東北流逕中陵
縣故城東北俗謂之北右突城王莽之遮害也十三州志

善無縣南七十五里有中陵縣世祖建武二十五年置

武州故城一爲今左雲縣前漢縣也一在平魯縣西南界後漢縣也

水經注武州川水北流逕武州縣故城西王莽之桓州也

案此卽崔浩所云平城首西百里武州城也

又大羅水轉逕武州縣故城南十

三州志曰武州縣在善無城西南百五十里北俗謂之大

羅城

案此城在平魯西南界當是偏關縣東之賈家堡大羅水今關河也

樓煩三城並在甯武府

漢書周勃傳擊韓信軍於硤石破之追北八十里還攻樓

煩三城地理志雁門郡樓煩有鹽官應劭曰故樓煩胡

地

汪陶在山陰縣北崞在渾源州西劇陽在應州北與繁時並

崞川水所經也

水經注南池北對汪陶縣之故城池水又東北注桑乾水
爲灤水灤水又東崞川水注之水出崞縣故城南王莽之
崞張也其水西出山謂之崞口北流逕繁峙縣故城東王
莽之當要也又北逕劇陽縣故城西王莽之善陽也
沃陽在和林格爾廳南彊陰在甯遠廳東

漢志雁門郡沃陽鹽澤在東北有長丞西部都尉治莽曰

敬陽

案鹽澤今甯遠廳東之小海也

彊陰諸聞澤在東北莽曰伏陰

案大海在

甯遠廳東北百十里亦名代哈泊

代郡屬縣故城班氏在大同縣東南

漢志代郡班氏秦地圖書班氏

此氏字當作氏詳府州廳縣考

莽曰班副

十三州志在郡西南百里北俗謂之去留城

平舒在廣靈縣西猗氏在縣北界

魏土地記代城西九十里有平舒城

案古代城在直隸蔚州東二十里距廣靈

七十里平舒城今平水鎮在縣西十里

水經注灤水東逕猗氏縣故城北王莽更名之曰猗聚十

三州志縣在高柳南百三十里俗謂之苦力干城矣

案故城當

在廣靈西北六十里六棱山陰一統志云縣東北則距陽高及二百里不止如闕駟所言矣

參合在陽高縣南其在縣南川者曰道人當城在天鎮縣東

其在縣南川者曰陽原

地理風俗記道人城北五十里有參合鄉故縣又當城西

北有延陵鄉

延陵城在天鎮北六十里詳見前卷

十三州志道人城在高柳

東北八十里

案東北疑東南之誤

水經注灤水

自猗氏東

又東逕道人

縣故城南地理志王莽之道仁也又東逕陽原縣故城南

地理志代郡之屬縣也北俗謂之比那州城灤水又東安

陽水注之又東逕安陽故城北

案一統志陽原安陽並在直隸西甯縣而又謂陽原

在天鎮今考西甯縣距山西界止十里安陽水乃今之五泉河由天鎮之嘴耳圖入桑乾則原陽故城明在天鎮境

其東安陽爲主父以封長子章者全爲直隸地矣

且如城亦曰沮洳城在豐鎮廳東

方輿紀要且如城在大同府東漢縣屬代郡中部都尉治

此應劭曰在當城西北四十里後漢廢晉義熙十一年魏

主如沮洳城卽且如之譌也

案當在廳東一百八十里二道河間

雲中郡屬縣故城咸陽城薩拉齊廳治也楨陵或曰箕陵在

廳東南犢和在廳西北

水經注大河東逕咸陽縣故城南王莽之賁武也又河水

南入楨陵縣西北緣胡山厯沙南縣東北兩山二縣之間

而出

案地理志檇陵緣胡山在西北西部都尉治莽曰檇陸後漢書郡國志無檇陵有箕陵疑是譌字此縣當

大河屈南流處沙南縣在河西緣胡山即河北之大青山嘴也

地理今釋咸陽在歸化

城土默特檇陵歸化城西黃河東岸

續和詳府州廳縣考

北興城今歸綏道治也武泉在歸化廳東北陶林在城東南

漢志雲中郡陶林東部都尉治北興中部都尉治武泉莽

曰順泉

謹案武泉以水名縣今小黑河也其雁門郡南別有

武泉灌嬰傳破胡騎將於武泉北從擊胡騎晉陽下

周勃傳降下霍人以前至武泉景帝紀中六年匈奴

入雁門至武泉其地當在關南爲崞縣之揚武寨陶

林統志在左雲西北蓋以爲甯遠地也然此縣爲雲

中東部都尉治而甯遠及和林格爾爲雁門定襄郡

地不合也北輿爲中部都尉治則此縣明在北輿以東今據水經注武泉芒干二水審知北輿爲卽歸化

城其他縣邑不難推測而得

說詳府州廳縣考

沙陵城在托克托廳東又有陽壽城亦在廳界

漢志雲中郡沙陵莽曰希恩陽壽莽曰常得水經河水

又東過雲中楨陵縣南又東過沙南縣北從縣東屈南過

沙陵縣西注白渠水出塞外西北逕沙陵縣故城南王莽

之希恩縣也其水西注沙陵湖又有芒干水出塞外西南

注沙陵湖湖水西南入於河

案白渠水今黃水河芒干水今大黑河二水自廳東合流

至廳北五里入河所謂沙陵湖也一名金河泊今湖已久湮

隋書地理志勝州金河

縣開皇三年置曰陽壽十八年改金河

定襄郡屬縣定襄城在和林格爾廳東其東北爲武進城當